

COMUNICADO

via B.N.A. **UNOCA**
Fax nr. 25493 VOORZIT AAN 2
FROM: UNOCA ARUBA (WEST INDIES)

En conexion cu e 10 aña di existencia di Instituto di Cultura na April 1988, a ser organiza un concurso pa haya un number adecuado pa e ritmo di brassband. E ritmo aki, ya pa 2 decada ta hopi popular na Aruba, pero sin number. E inovacionnan den e ritmo aki den pasado a ser haci pa sr. Arnold Beyde y sr. Samuel Hodge.

A keda dicidi pa institui un jurado di musicorlan conoci pa escoge e number entre tur e participante-nan den e concurso. Un total di 33 number a ser ricibi.

E jurado tabata consisti di e siguiente conocedoran di musica. Sr. Eddy Bennett, sra. Maybelline Arends-Croes, dr. Rob Martis, Sr. Lucio Rivadeneira, sr. Hilward Croes, sr. Franklin (ranadillo y sr. Joy Kook.

Aunque cu tin otro islanan den Caribe cu tambe conoce e ritmo di brassband, esaki toch ta diferencia di e ritmo aki na Aruba pa loque ta e sla (beat) y e ritmo ariba e otro islanan ta mas den direccion di e calypso.

Analizando e ritmo di brassband di Aruba, por ser menciona cu su desaroyo tabata uno cu a ser influencia pa varios estilo musical di diferente origen (e.o. calypso, samba y marcha).

Por nota cu e base ritmico ta uno masha stabl, debi cu e diferente elementonan cu ta forma e totalidad, tin un interaccion hopi activo.

E brassband mes ta consisti di 2 seccion:

- drums (tom toms, snare y bassdrum)
- brass (trompet, trombone y saxophone)

E snare-drums casi semper ta mantene un configuracion ritmico constante, cu ta parce e acompañamento di calypso.

E tom-toms tin un funcion dobel, cu ta di mantene un configuracion ritmico cu regularmente algun figura ritmico como adorno y tambe conhuntamente cu e bassdrums ta bay den interludionan ritmico-melodico cu ta requeri bastante coordinacion y articulacion di e tocador y su miembronan.

E bassdrums cu ta e parti mas pisá di e drums ta uno cu apear di tin encargo pa establece un "down beat" firme ariba e prome "beat" di cada compas, ta crea un "motief" ritmico bastante activo.

E seccion di "bass" tin un funcion hopi importante den e grupo, ehecutando e melodia di e diferente cancionnan.

Mayoria biaha den uni-sono cu de bes en cuando harmonisacion.

Combinando e seccion-nan aki nos a crea un ritmo cu orgullosamente tin algo propio di nos.

Un ritmo cu a conoce su desaroyo aki na Aruba y a wordo lográ cu e creatividad versatilidad di nos hendenan.

Entre e 33 number-nan e jurado a selecciona e number nobo pa e ritmo di brassband cu ta:

" ASAMBEHO"

E number aki ta di sr. Edwin R. Gomes di Sabana Liber 55.

E number "Asambeho" ta un abrevacion di su inventornan, sr. Arnold Beyde y sr. Samuel Hodge.

A (di Arnold)

SAM (di Samuel)

BE (di Beyde)

HO (di Hodge)

Sr. Joy Kock di Instituto di Cultura den presencia di algun miembro di jurado a haci entrega di un plakaat na sr. Edwin R. Gomes.

Instituto di Cultura ta felicita pueblo di Aruba cu e number oficial aki, cu lo bay forma parti di nos cultura, Asambeho.

Instituto di Cultura.

Aruba, 18 November 1988.



[illegible]

BRASSBAND

- * **Excelsior Brassband** (± 1945)
- * **YMCA Brassband**
- * **Brass explosion**
- * **San Fernando Brothers**
- * **Savaneta Brass**
- * **The Blue Diamonds Brass**
- * **Daimari Brass**
- * **Moondogs**
- * **Good Guys**
- * **Academy Brass**
- * **Jamming Brass**
- * **Born Losers**
- * **Siribana**
- * **Hell's Angels**
- * **Hotel All Stars**
- * **Rufo All Stars**
- * **The Out Laws**
- * **Kids of Fame**
- * **Dussy Dussy Brassband**
- * **Little Devil**
- * **Dynamic Brass**
- * **Energy Brass**
- * **Savage Brass**